

Қазақстан Республикасының Үкіметі мен Өзбекстан Республикасының Үкіметі арасындағы Қазақстан Республикасының Өзбекстан Республикасындағы және Өзбекстан Республикасының Қазақстан Республикасындағы дипломатиялық өкілдіктерінің ғимараттарын салу үшін жер учаскелерін өзара беру туралы келісімге қол қою туралы

Қазақстан Республикасы Үкіметінің 2010 жылғы 16 наурыздағы № 208 Қаулысы

Қазақстан Республикасының Үкіметі ҚАУЛЫ ЕТЕДІ:

1. Қоса беріліп отырған Қазақстан Республикасының Үкіметі мен Өзбекстан Республикасының Үкіметі арасындағы Қазақстан Республикасының Өзбекстан Республикасындағы және Өзбекстан Республикасының Қазақстан Республикасындағы дипломатиялық өкілдіктерінің ғимараттарын салу үшін жер учаскелерін өзара беру туралы келісімнің жобасы мақұлдансын.

2. Қазақстан Республикасының Мемлекеттік хатшысы - Сыртқы істер министрі Қанат Бекмырзаұлы Саудабаевқа қағидаттық сипаты жок өзгерістер мен толықтырулар енгізуге рұқсат бере отырып, ол Қазақстан Республикасының Үкіметі атынан Қазақстан Республикасының Үкіметі мен Өзбекстан Республикасының Үкіметі арасындағы Қазақстан Республикасының Өзбекстан Республикасындағы және Өзбекстан Республикасының Қазақстан Республикасындағы дипломатиялық өкілдіктерінің ғимараттарын салу үшін жер учаскелерін өзара беру туралы келісімге қол қойсын.

3. Осы қаулы қол қойылған күнінен бастап қолданысқа енгізіледі.

Қазақстан

Республикасының

Премьер-Министрі

К. Мәсімов

Қазақстан

Республикасы

Үкіметінің

2010

жылғы

16

наурыздады

№

208

қаулысымен

мақұлданған

жоба

Қазақстан Республикасының Үкіметі мен Өзбекстан Республикасының Үкіметі арасындағы Қазақстан Республикасының Өзбекстан Республикасындағы және Өзбекстан Республикасының Қазақстан Республикасындағы дипломатиялық өкілдіктерінің ғимараттарын

салу үшін жер участеклерін өзара беру туралы

КЕЛІСІМ

Бұдан әрі «Тараптар» деп аталатын Қазақстан Республикасының Үкіметі мен
Өзбекстан Республикасының Үкіметі,

Қазақстан Республикасының Өзбекстан Республикасындағы және Өзбекстан
Республикасының Қазақстан Республикасындағы дипломатиялық өкілдіктерінің болуы
мен жұмыс істеуінің тиісті жағдайларын қамтамасыз ету мақсатында,

1961 жылғы 18 сәуірдегі Дипломатиялық қатынастар туралы Вена конвенциясын
назарға ала отырып,

төмендегілер туралы келісті:

1-бап

Қазақстан Тарапы Өзбекстан Республикасына Астана қаласында орналасқан,
құрылыштар мен транзиттік коммуникациялары жоқ, жалпы алаңы 2,6 га жер участекін
Өзбекстан Республикасы Елшілігінің ғимараттары мен құрылыштарын Өзбек Тарапы
есебінен салуға қырық тоғыз (49) жыл мерзімге пайдалануға береді.

Жер участекін жалға алу ақысының мөлшері жылына бір АҚШ долларын құрайды.

Жер участекінің нақты орналасқан жері және оның шекарасы осы Келісімнің
ажырамас бөлігі болып табылатын жоспарда (1-қосымша) көрсетілген.

2-бап

Өзбекстан Тарапы Қазақстан Республикасына Ташкент қаласында орналасқан,
құрылыштары мен транзиттік коммуникациялары жоқ, жалпы алаңы 2,0 га жер
участекін Қазақстан Республикасы Елшілігінің ғимараттары мен құрылыштарын
Қазақстан Тарапы есебінен салуға қырық тоғыз (49) жыл мерзімге пайдалануға береді.

Жер участекін жалға алу ақысының мөлшері жылына бір АҚШ долларын құрайды.

Жер участекінің нақты орналасқан жері және оның шекарасы осы Келісімнің
ажырамас бөлігі болып табылатын жоспарда (2-қосымша) көрсетілген.

3-бап

Тараптар осы Келісімнің 1 және 2-баптарында көрсетілген жер участеклері
қарыздардан, үшінші тараптың құқықтарынан бос түрде, кепілге қойылмай және
оларды осы Келісімнің мақсаттары үшін пайдалануға кедергі келтіретіндей қандай да
бір өзгеше түрдегі ауыртпалықсыз берілетініне кепілдік береді.

4-бап

Тараптар осы Келісімнің 1 және 2-баптарында көрсетілген жер участеклерін осы Келісімде көзделген мақсаттар үшін ғана пайдаланады.

5-бап

Мемлекеті жер участекін алатын Тараптың осы Келісімге сәйкес берілетін жер участекін орналасу мемлекеті Тарапының нақты білдірілген жазбаша келісімінсіз кеңейтуге, сатуға, ауыртпалық түсіруге, жеке меншікке беруге, үшінші тарапқа жалға немесе жартылай жалға беруге құқығы жоқ.

Осы Келісімнің 1 және 2-баптарында көрсетілген жер участеклерінде салынған ғимараттар мен құрылыштар сатылатын немесе берілетін жағдайда, оларды сатып алуға орналасу мемлекетінің басым құқығы болады.

Сатылған немесе берілген жылжымайтын мүлікке қатысты осы Келісімнің күші автоматты түрде тоқтатылады.

6-бап

Тараптар өзара негізде өз мемлекеттерінің заңнамаларына сәйкес осы Келісімнің 1 және 2-баптарында көрсетілген ғимараттарға, құрылыштарға меншік және жер участеклерін пайдалану құқықтарын заңдық ресімдеуді осы Келісім күшіне енгеннен кейін мүмкіндігінше қысқа мерзімде қамтамасыз етеді. Тараптар өзара келісілген мерзімде бір мезгілде тиісті құжаттар алмасуды жүргізеді.

7-бап

Өз мемлекеттерінің дипломатиялық өкілдіктерінің қызметін қамтамасыз ету мақсатында Тараптардың осы Келісімнің 1 және 2-баптарында көрсетілген жер участеклерінен басқа жер участеклерін жалға алуы жеке халықаралық шарттардың талаптары бойынша жүзеге асырылады.

8-бап

Әрбір Тарап басқа Тарапқа берілген жер участекінің шекарасына дейін жол төсеуді, инженерлік коммуникацияларды (электр және телефон желілерін, су құбырын, кәрізді және газ құбырын) өз бюджетінің қаражаты есебінен жүзеге асырады, сондай-ақ бұл коммуникацияларды қалалық желілерге қосуды орындаиды.

9-бап

Осы Келісімнің 1 және 2-баптарында көрсетілген жер участеклерінде ғимараттар мен құрылыштар салу орналасу мемлекеті заңнамасының талаптарына сәйкес салуға немесе

қайта жаңартуға рұқсат алынғаннан кейін ғана жүзеге асырылады.

Құрылыштық жаңартуға жер учаскесін берген Тараптың кінәсі бойынша кідірген жағдайда, ол салушы Тарапқа құрылыштың кідіруіне немесе тоқтатылуына байланысты келтірілген шығындарды өтейді.

10-бап

Берілген жер учаскелерінде ғимараттар мен құрылыштар салу үшін Тараптар құрылыш материалдарын және жабдықтарды әкелуге құқылы болады. Жер учаскесін берген Тарап екінші Тарапты тек дипломатиялық өкілдіктердің ғимараттары мен құрылыштарын салу, жабдықтау және жарақтандыру үшін әкелінетін материалдар мен жабдықты кедендік төлемдердің барлық түрі мен салықтар төлеуден босатады.

11-бап

Тараптардың өз объектілерін салуға және қайта жаңартуға дайындалу және оны жүзеге асыру үшін талап етілетін, құрылышшылардан, техникалық қадағалау мамандарынан және техникалық қызметкерлерден тұратын персоналды орналасу мемлекетіне жіберуге құқығы бар.

12-бап

Осы Келісімнің 1 және 2-баптарында көрсетілген жер учаскелері жер учаскесін пайдаланғаны үшін жалға алу ақысын қоспағанда, орналасу мемлекеті салатын салық пен алымдардың барлық түрлерінен босатылады.

Жер учаскесін пайдаланатын Тарап ғимараттар мен құрылыштарды, инженерлік коммуникацияларды пайдалануды, жөндеудің барлық түрлерін жер учаскесін күтіп үстауды өз есебінен жүзеге асырады.

Коммуналдық қызметтерді (газбен жабдықтау, электр сумен, жабдықтау, кәріз, аумақты тазалау және осындай басқа да қызметтер), байланыс қызметтерінің барлық түрлерін пайдаланғаны үшін, сондай-ақ осы Келісімнің 1 және 2-баптарында көрсетілген жылжымайтын мүлікті жөндеу және күтіп үстау үшін төлемақы дипломатиялық өкілдіктер мен олардың қызметкерлері үшін орналасу мемлекетіндегі нормативтер мен тарифтер бойынша орналасу мемлекетінің валюタсында жүргізіледі.

13-бап

Тараптардың өзара келісімі бойынша осы Келісімге оның ажырамас бөліктері болып табылатын және жеке хаттамалармен ресімделетін өзгерістер мен толықтырулар енгізілуі мүмкін.

14-бап

Тараптардың арасында осы Келісімді түсіндіруге немесе қолдануға байланысты даулар туындаған жағдайда, Тараптар оны консультациялар мен келіссөздер арқылы шешеді.

15-бап

Осы Келісім Тараптардың оның күшіне енуі үшін қажетті мемлекетішлік рәсімдерді орындағаны туралы соңғы жазбаша хабарлама дипломатиялық арналар арқылы алынған күнінен бастап күшіне енеді және қырық тоғыз (49) жыл мерзімге жасалады. Тараптардың бірі дипломатиялық арналар арқылы екінші Тарапты осы Келісімнің қолданысын өзінің ұзартпау ниеті туралы ағымдағы кезеңнің соңына дейін бір жыл бұрын кешіктірмей хабардар етпейінше, оның қолданылуы келесі қырық тоғыз жылдық мерзімге автоматты түрде ұзартылады.

2010 жылғы «__» қаласында әрқайсысы қазақ, өзбек және орыс тілдерінде екі данада жасалды, әрі барлық мәтіндердің күші бірдей. Осы Келісімнің ережелерін түсіндіру мақсаттары үшін орыс тіліндегі мәтін негізге алынады.

Қазақстан Республикасының

Өзбекстан Республикасының

Үкіметі үшін

Үкіметі үшін

Қазақстан Республикасының Үкіметі мен Өзбекстан Республикасының Үкіметі арасындағы Қазақстан Республикасының Өзбекстан Республикасындағы және Өзбекстан Республикасының Қазақстан Республикасындағы дипломатиялық өкілдіктерінің ғимараттарын салу үшін жер участкелерін өзара беру туралы келісімге 1-қосымша

Участкениң мекенжайы: Қарасаз және Талғар көшелерінің қиылсысы
(қағаз мәтініне қараңыз)

Қазақстан Республикасының Үкіметі мен Өзбекстан Республикасының Үкіметі арасындағы Қазақстан Республикасының Өзбекстан Республикасындағы және Өзбекстан Республикасының Қазақстан Республикасындағы дипломатиялық өкілдіктерінің ғимараттарын салу үшін жер участкелерін өзара беру туралы келісімге 2-қосымша

Участкениң мекенжайы: Абай және Зұлфияханым көшелері қиылсысының ауданы
(қағаз мәтініне қараңыз)